

Maajip 16-iat 2024

UPA2024/156

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 1/2023-mik Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu naalackersuisunut kaammattuutigaa

-Immamik nerisassaasivittut atukkatsinnik nunani avannarlerni killerni nunat suleqatigiillutik qanoq illersuisinnaanerannut ataatsimut isiginnilluni pilersaarummik ataatsimoorussamik aallartitsinissaq nunani avannarlerni killerni naalackersuisut siulittaasuisa oqallisigissagaat

-pisuussutiniq maangaannartitsinissaq pinngitsoortinniarlugu, inuussutissanik pilersuinerup isumannaatsuunissaa qulakkeeriarlugu, mingutsitsineq akiorniarlugu, Issittup sakkussakillisaaffiguarneqarnissaa aammalu uumasut assigiinngitsut amerlassusiannik imaanilu pissuseqatigiit ataqatigiinnerannik illersuiniarlutik nunani avannarlerni killerni naalackersuisut siulittaasui anguniagaqarfiusumik suliaqassasut

- nunani avannarlerni killerni naalackersuisut siulittaasui Atlantikup avannarpasissuata nunarsuarmi imartatut piujuartitsinissamik tunngaveqarnerpaatut inissisimalernissaanik nunap immikkoortuiniinnaanngitsoq aammali Issittumi nunanilu tamalaani suliniutiginnillutillu anguniagaqassasut aammalu tamatumani siuttuussasut (Aallartitat siulittaasuat Doris J. Jensen)

Siumuminngaanniit Nunat Avannarliit Killiit siunnersuutaannut aallartitatsinnit Doris J Jensenip saqqummiusnaanut qujarusuppugut.

Ukiuni kingullerni Nunatsinni nunarsuarmioqataaneq aammalu Naalagaaffinngoriartuaarnerup ilutigisaanik nunat tamalaat akornanni isumaqatigiissutinut malinnaalluni peqataaneq aallunneqaraluttuarpoq. Nunat Avannarliit Killiini Savalimmiut assigalugit namminersorneq ingerlataarput, naalagaaffiunata, taamaattumillu Naalackersuisut akissuteqaataanni siunnersuutigineqartut ilaatigut uagut oqartussaaffiginngisatsinnik imaqarmata, soorlu avataani imartatta nakkutigisassaanut tunngasut, siunnersuutigineqartunut peqataasinnaanngitsugut Siumut isumaqarpoq.



Anguniagaqatigiinneq pitsaasutut isigisassaagalarpoq, taamaattorli Naalakkersuisut akissuteqaataanni aamma immap pissusaanik tunngassuteqartunut nunarsuarmioqatigiit anguniagaqatigiiffianni, nunat tamalaat akornanni isumaqatigiissutini, Nunarput peqataavoq.

Taamatut naatsumik oqaaseqarluta Naalakkersuisut ilalerlugit siunnersuut itigartipparput.

Najaaraq Møller
Siumut